





聖宋名賢五百家播芳大全文粹卷二十一

謝表

謝除侍講表

拜命中宸執經西學雖踵熙朝之故事實為儒者之

至榮莫遂懇辭惟深惕懼臣某

易稱多識之功緝熙光明詩著仔肩之義蓋典學所

以建事而治國始乎修身厥惟哲王乃燭大本此蓋

伏遇皇帝陛下德先勤政政用中和從善若轉圜



每盡謙虛之道臨民如御馬居懷兢業之思念六籍  
之格言為百王之要範將求鴻碩與共講論碩臣何  
人亦豫茲選臣敢不樸忠自許古義是研勉殫夙夜  
之誠庶幾千慮倘有涓埃之補少答大恩臣無任

謝兼侍講表

汪聖錫

民部獨負方不遺于餘力書筵兼職乃得預于斯文  
仰聖恩之有加愧凡品之非稱伏念臣學雖好古材  
不逮人佔畢伸吟初未離于糟粕望洋嘆息悅難究

于津涯何意誤知俾陪勸講惟茲魯史裁有仲尼豈  
無詩書未若見之行事亦有游夏莫能贊于一辭况  
在後來敢云能讀此蓋伏遇 皇帝陛下剛健篤實  
緝熙光明獨傳先王之心合若符節博詢多士之說  
至于芻蕘雖甚無庸亦將有取與人為善幸親見于  
聖時足興以言誓亦堅于素守

謝除侍讀表

蘇子瞻

叨承新命祇服訓詞薄技已窮舊恩未替中謝伏念



臣志大而才短論迂而性剛以自用不回之心處衆人必爭之地不早退縮安能保全是以三年翰墨之林屢遭飛語再歲江湖之上粗免煩言豈此身愚智之殊蓋所居閑劇之致臣之自處何者為宜而况講讀之司惟慳最近分章摘句則何以報非常之知因事獻言則又必貽前日之患雖仰恃天日之照實常負冰淵之虞恭惟 皇帝陛下大德庇民小心順帝雖天覆地載以聖不可知為神而日就月就以學而

不厭為智曲收舊物以廣多聞臣敢不職思其憂本無分於中外欲報之德誓不易於死生

謝除侍讀表

汪彥章

視草禁嚴論經問燕兼近侍進言之責極儒臣稽古之榮拜命以還撫躬而懼中謝嘗謂天縱將聖奚煩博學以成名王求多聞蓋欲取人而為善故自古石文之世必留心講藝之官如臣至愚何所云補茲蓋伏遇 皇帝陛下卓然上智濟以克勤同漢祖之英



論道不忘於息馬笑齊侯之陋讀書見議於斲輪而  
臣猥以非才膺茲遴選第竭簡編之素習仰承惟幄  
之清光海岳深崇固無取消埃之細聖賢間見或不  
如農馬之專誓絕蔽欺用酬知遇

代內相謝侍讀表

張全真

代言披禁曾無深厚之詞進直經帷復侍清閒之燕  
寵靈狎至榮悖參并中謝竊以荷索論思固推榮于  
崇列金華講讀尤密適于清光自非學足以貫流略

而不遺才足以贊謀猷而可用則何以仰承訪問少  
助見聞而臣學既昧于大方才不周于世務偶以遭  
逢之異拔于冗散之中徧歷清華居漸惰陋三鍾十  
束粗厭足于于支離八索九丘詎追參于倚相復陪  
邇綴實忝睿知此蓋伏遇 皇帝陛下道冒域中識  
超物表光明之學初無假于緝熙盈成之功又不忘  
于持守參稽治忽于前世博采耆明之大儒蓋將裒  
益于多聞豈止奉行于故事遂容一介輒造羣英固



當深體慈憐彌加勉勵念潤色討論之重微一得之  
可稱嘗燕見紬繹之求庶萬分之或補

謝除翰林兼侍讀表

蘇子瞻

學術本疎老復加於謇訥官聯愈近職專在於討論  
退省其愚莫知所措中謝伏以天威咫尺願末技以  
何施聖敬日躋豈群臣之可望非張禹寬中之篤學  
无無量懷素之懿文則何以奉天子五學之游求王  
人多聞之益如臣愚暗何與選掄此蓋伏遇皇帝

陛下卓然生知輔以好學方高宗恭默之後正宣帝  
勵精之初衆論並陳悉洞照其情偽陳編一覽已周  
知於廢興察臣衰病而无求庶可親近而寡過故茲  
拔用驟及疲駕臣敢不溫故知新粗辦有司之職見  
危致命更輸異日之忠

謝兼侍讀表

樓大防

升班文部方虞典選之難進讀露門更辱兼官之寵  
循墻莫避據疾是憂中竊以帝王之興必以學問為



急如懷素元量之選本為覽史之資由宋綬夏竦以  
來始有讀書之職仰惟睿聖光紹炎圖首開講帷詳  
延從索攷通英之舊加賜坐以甚優于供饌之餘俾  
侍言而更入首閱三朝之寶訓次觀先正之奏篇宜  
求鴻博之儒以助緝熙之學如臣至陋涉世多艱豈  
期累歲之推遷寔歷明時之華要詞垣翰苑代王者  
之敷言史觀經筵極書生之榮遇况從夕拜擢至天  
官朝入君門方被宸綸之渥暮歸私室又驚渙汗之  
頒是何遭逢有此仰冒茲蓋伏遇皇帝陛下勵精  
庶政垂意多聞廣廈細旃許奉清閒之宴袞衣博帶  
不違咫尺之顏自古所稀于今獨盛猥令末至躡冠  
群賢臣敢不紬繹舊章勉圖微効海涵天覆或容草  
芥之忠日往月來庶有毫釐之補

謝除太子賓客表

汪彥章

儲闈肇啟當收尤異之才詔綍中頒首玷高華之秩  
既預論思之祕仍參調護之榮承命便藩撫躬跼蹐



中謝伏以三王之教世子必用正人兩漢之詔官僚  
無非碩學矧在賓筵之列尤為儒者之光方朝廷新  
曠古之儀俾世嫡正前星之位養德茲始求賢實艱  
尚虛六傳之聯先遴十人之選如臣膚淺非國俊髦  
司典謨訓誥文之猶孤眷倚豈父子君臣之道能有  
建明弗獲固辭終慙非據此蓋伏遇 皇帝陛下紹  
隆邦本因任人才謂臣久侍禁林最為孤直知臣日  
承聖學粗識源流故此褒嘉輕於畀付入奉鼇山之

直出參學禁之遊夫何一介之微兼此兩閨之渥古  
今鮮儷中外驩傳臣敢不益懋嘉猷誓堅晚節密為  
羽翼當如園綺之賢徒事文辭敢効應劉之陋  
謝除太府卿淮東總領表 葉正則  
既莞錢米又知甲兵本乞漫游更叨煩委中謝伏念  
序還學校固慚課業之荒唐內迫家門重困食用之  
寡薄一貧殆不可忍屢請期于必從然而辭尊居卑  
陳力就列視古為訓于退則宜今乃升寄卿班示厥



號名之寵預聞軍政制其財賦之權猥用榮章被之  
弱質若夫此地爰自積年務場壞而經常之錙大虧  
網運弊而濕惡之糧亦匱口累日重者近憂而已兵  
民俱困則遠患若何況于繇細入粗以輕馭重忽當  
警急無異承平國其選擇而使能臣姑冒昧而就祿  
此蓋恭遇 皇帝陛下勤勞初載謹審外防謂臣粗  
讀古書合更時務因其欲歛藏湖海之上且復令周  
旋戎馬之間臣敢不事貴經通身先損節必吝出納

是為有司之常苟逃曠瘼終返腐儒之舊

謝特授儀同封舒國公表

王介甫

發號端門外卓慶賜疏恩列辟俯逮空滄舞手均歡  
捫心獨幸中謝伏念臣久孤眷遇當即譴訶曠歲籲  
天尚辭榮而未獲新恩賜國仍席寵以有加唯茲邦  
土之名自昔宦遊之上久陶聖化非復魯僖之所懲  
積習仁風乃嘗朱邑之見愛鴻私所被朽質更榮此  
蓋伏遇 皇帝陛下道冒群才彌天之所覆恩恩涵



庶品并物之所包以釐事備於郊官而惠澤均于海  
宇故雖幽屏弗以遐遺願冒昧之不貲豈糜捐之可  
報

謝特進封荆國表

宮庭嘉享推德惠以及人田里空餐濫宸恩而累國  
臣中謝伏念臣苦窳賤質卷曲散材遭值休辰登備  
貴器有未嘗之厚責无可錄之微勞敢冀瘵身尚叨  
徽數此蓋伏遇 皇帝陛下備成熙事答四表之歡

心董正治官建一代之明制因令疲繭與被光榮雖  
自誓於糜捐願何疇放責儻

謝加階封表

臣某言今日進奏院遞到官告一通勅牒一道蒙  
恩特賜臣大中大夫進封開國公加食邑五百戶勳  
實封賜如故者祥符遠燭允澤旁流方祈樂聖之心  
又荷惟新之命退量不稱徒切增慙中謝臣聞廣大  
者天博通為聖天德茂而物遂生聖道行而人受賜



既不宰何以識其裁實曰無名何以盡其言喻亦猶  
惟堯與舜法地象天致魏蕩以無稱類生成于不報  
也恭惟皇帝陛下千年應運一德承乾念創業之  
克艱未嘗逸豫慮一物之失所每切憂勤明誠既感  
于人心聖化遂通于天意故得真仙降祉瑞謀呈文  
適彰卜世之期允協大中之道載惟靈契事適于龜  
龍方表玄功理同于三五而復順陽春而在宥舉賞  
典以加恩善讓不居莫見裁成之朴天下蒙福但歌

仁壽之風臣位亞天官職參樞要叨預分符之寄仍  
司禁暴之權江外素清經歲既窺于兵籍郡中無事  
下惟徒守于詔條常慮敗官復榮寵數階封益峻名  
跡增華較其冒賞之由實屬違時之幸得不飲冰勵  
節體國為心庶求靜求之方少助無為之化云云

謝加階食邑表

張乖崖

臣某言云云蒙恩授通奉大夫加食邑五百戶者皇  
猷至美臣下沾榮授捧之間驚惶失次中謝竊念臣



素無勛績叨預官常江介剖符偶免敗官之責帝鄉  
卧疾未知就列之期伏遇 皇帝陛下法道為宗與  
聖作則萬善中蘊大明外敷故夫濟世之恩鎮作無  
名之樸是致春融萬國影附四夷至德升聞仙祖來  
格示延長之年歷諭清淨之化源煌煌然業業然有  
以見天人合慶社稷永貞亦謂越千古以未聞垂萬  
嗣而獨出能稱頌者恐難為詞豈比夫周穆瑤池空  
贊白雲之曲漢皇蘭殿惟留非聖之言予以覃沛恩

答嘉貺凡諸有位盡被殊遷臣官忝上卿名已 實  
復增階級更益戶封惟虞漸老之身難答自天之寵

謝加勳表

楊文公

臣某言今月二十五日進奏院遞到官誥一通勅牒  
一道蒙恩加上騎都尉餘如故仍放朝謝者在宥之  
恩方覃于率土冊勳之典俄及于具僚祇荷寵靈伏  
增悚惕臣某中謝伏以唐制勳官十有二等克遵班  
爵之序備存律令之文所以褒賞忠勞甄明品秩不



稱其職羊胃之謗乃興或曠厥官鶴翼之譏斯起如  
臣者謬塵祿仕茂著穀猷未帶立朝已媿諍臣之任  
一麾出守猥慙循吏之稱屬燔柴薦鬯之辰無除地  
給薪之効爰因大慶亦被鴻私諫垣未削於姓名勲  
籍驟遷于等級天違所及蓋咫尺之不違官箴有常  
但顛沛而於是彌勒職守用報寵先仰荷天慈臣無  
任云云

謝書目成加階勲表

宋子京

臣某言月日奏進院遞到告敕書各一道將授臣朝  
散大夫依前官加輕車都尉賜如故仍放朝謝者祕  
錄終篇鴻臚第賞例霑徽數垂料餘勤授受交虛榮  
憂兩草竊以廣內之奧中經所藏自四聖相承凡七  
紀而遠積丘山而盡在揉朱紫以未分金匱深嚴牙  
籤叢舛攸司傳失有詔部分疇簡名才總制都目體  
漢家之流略槩見所從參史氏之藝文種分必類討  
論既定統紀悉周而僚輔地遷纂修交集臣猥緣情



學俾預末行素自恣冥動咨典領雖片詞殘牒時竄  
左文且雜語諸家尚悉全載訖慙數職中請為邦遂  
專刀筆之煩益忘緹油之習不謂芸編卒業黼幄程  
文嘉衆籍之有條美諸儒之競力因褒邇列施及孤  
臣聯文散之近階賜朝勛之優轉揆榮至涇撫已無  
堪閣筆居多早戢鍾繇之恨殺青偕上敢叨劉向之  
功汙漫不收天高難訴但能銘于肝膈或論報于涓  
埃愚疑不誣明神是質

謝加階并爵邑表

宋子京

臣某言今月日進奏院遞到誥敕各一道特授臣朝  
請大夫依前官仍封臨洛縣開國男食寔封三百戶  
勲賜如故者緝儀交展信賞第頒緣策從勛汎霑異  
數固功被貺尸寵蒙慙竊念臣本以屏羈誤膺識拔  
雲章之使荷索見收束帶而奉朝趨居常三省戴盈  
而仰天極決匪兩能止竭撲愚以圖稱報寸勞未効  
公議遄興出屏近藩尚通祕籍適會于郊之享爰修



以職之虔法有侍祠雖預甘泉之簿身方守土遂阻  
玉關之歸負結戀深心馳魂震迺蒙 皇帝陛下廣  
歆馨之福推舍爵之仁疇庸以差均澤于下眷孤臣  
之補外助經入而有常錄此餘勤沛為慶典進階越  
等啟土肇封間命若驚修顏固寘且掃除奉引未始  
請行而於穆猗那無從抒嘆坐沐光榮之集例承深  
潤之褒難拒大恩姑銘丹臆儻云酬之有所誓至殞  
以無忘

謝加常山郡開國公表

宋子京

臣某言十月二十三日進奏院遞到誥勅伏蒙聖恩  
授臣常山郡開國公食邑實封者制出中天恩臨最  
品捫躬匪稱拜命載兢伏念臣才不適時智非周物  
坐逢熙序厯踐華塗會國家追講曠代之遺盛修合  
食之享孝思上格臣職駿奔俯惟守土之拘莫預奉  
璋之助魂馳龍宸魄集鴛棕惟 皇帝陛下凱澤  
一均至仁四被靡間辱陋例霑寵榮超列集爵之高



益厚加田之目涓塵微効夙無補于醒猷穹壤殊私  
遽并膺于獎典重恩難讓愚悃奚安徒鏤骨以自期  
庶粉軀而論報

謝加食邑表

王介甫

顯相郊宮固宜寵獎曠居田里乃濫褒嘉中謝伏念  
臣尚負宿病久尸榮祿無可論之薄効有未報之隆  
恩方國明禮庶工祇載奉璋執豆旅幣獻琛具輸奔  
走之勞獨抱滯留之歎豈圖疎逖亦冒寵光此蓋伏

遇 皇帝陛下荷休駿厖歛福敷錫故雖幽屏弗以  
遐遺身每被於慈憐心敢勞於勤策

謝加勳表

田表聖

臣錫言臣今月九日伏蒙聖慈賜臣官誥一道敕牒  
一道加上柱國者祇荷寵光不任感懼進受勳級彌  
覺忝塵伏念臣幸逢昌運早踐周行東觀西垣揚歷  
斯久內庭外郡委任非輕慙無茂異之才上荅照臨  
之德今以郊祀云畢慶賞方行是先春布令之辰與



物惟新之際懋功業著酌其爵土旌績効者轉以勲  
階臣素無微勞亦受殊賜柱國加於上字既荷峻遷  
勵節發于中誠敢忘盡瘁  
謝加勲表  
蔡君謨

臣襄言今月二十六日進奏院遞到割牒各一道以  
南郊禮畢加臣護軍食邑五百戶者大饗舉修方畢  
肇禋之禮徽章稠沓均加在位之臣俯俸承榮震惶  
知愧臣襄中謝伏念臣器質甚淺學術非優徒構休

辰遂躋清貫內歷禁林之邃外專方面之雄非矯矯  
以出人但渠渠而飭已當堯舜之在上何以為功使  
龔黃之復生僅能自守况臣衰拙安在擬倫護侍慈  
親幸叨便郡此蓋伏遇皇帝陛下講明大典脩錫  
慶私念持橐之舊臣進寵勲之異數雖葵藿之心盡  
吐仰對大明然蓼蕭之澤溥覃豈遺一物誓捐頂踵  
以荅乾坤臣伏限守任在遠不獲奔詣闕庭臣無任  
謝加勲封表  
余安道



臣某言十二月二十六日奏進院遞到勅誥各一道  
蒙恩授臣依前守尚書工部侍郎加輕車都尉進封  
始興郡開國侯食邑五百戶仍放朝謝者祀典之修  
允合丕貺恩章之廣覃及其臣中謝恭以國家祚纂  
堯基化恢禹服配天昭孝侑三聖以成儀麗澤均禧  
浹四方而渙號伏念臣素微才術叨預藩宣方趨乘  
障之功莫廁侍祠之列豈期雷雨之施不遺管蒯之  
微盟府何功遽勲官之見錫爵名加等仍鄉郡以兼

榮揣分逾涯省躬增惕敢不外寧邊隙內撫民封惟  
堅犬馬之誠上荅乾坤之造臣無任

謝加護軍食邑表

余安道

臣某言今月九日准都進奏院遞到勅牒官誥一道  
授臣依前守尚書戶部侍郎充集賢院學士加護軍  
食邑五百戶散官封食寔封賜如故仍放朝謝者歲  
事闋宮講行潤典均禧函夏敷及其僚中謝恭惟  
皇帝陛下棐振羅圖統承熙運謹蹈蒸蒸之孝寅守



丕丕之基豐潔粢盛內盡享親之志序陳昭穆躬脩  
合祭之儀既成瓘鬯之盛容光布蓼蕭之渥澤下周  
朝鼓普錫言綸臣素之時材濫叨藩寄駿奔述職阻  
捧於遵豆渙汗推恩並陞於勲爵居慙德詔行畏食  
浮自天之命難違躋地之憂愈積誓堅死節上荅鴻  
慈但臣無任

謝加勲邑表

余安道

臣某言今月二十七日進奏院遞到勅牒官誥各一

道伏蒙聖恩授臣依前守尚書左丞充集賢院學士  
加上護軍進封開國公食邑五百戶散官寔封賜如  
故者合宮禮成縣區澤普不遺遐遠咸被沖融中謝  
恭惟 皇帝陛下昭事上穹丕承洪緒徧舉累朝之  
闕典再修宗祀之盛儀即露寢以達誠御端闈而渙  
號旁周覆載罔不勸呼下逮縉紳咸加命數臣器能  
無取禮秩兼優護諸將以書勲冠五等而疏爵仍增  
稍食脩極寵靈敢不荷生育之恩勤簡惠之政誓全



苦節上荅宸慈但臣阻守外藩不獲奔詣闕庭臣無任

謝封延安郡王表

代皇子

曾子固

祇膺詔板彌積覲顏蓋崇大於宗藩以威強於帝室  
豈伊獎渥可假幼冲中謝伏念臣器匪夙成材無特  
異徒歸祇於鞠育每親炙於高明欲善在身忘髡髦  
之至弱知書可學慕佖畢之相從庶由受教於童蒙  
覲獲成能於壯大敢意攬攸司之密啟循歷世之彞

章寵以官儀體均於丞弼殊其爵列秩右於公侯揣  
稱何堪踰涯已甚知隆名之難冒迫大號之既行控  
避莫從震惶滋集此蓋伏遇 皇帝陛下心潛高厚  
智極精微推廣愛之仁以隆於父子盡大公之義以  
篤於君臣故舊典之當行雖至親而莫間致茲異數  
猥及謗能臣敢不仰體聖懷勤遵慈訓省躬擇術庶  
不蹈於匪彞臨事知方或可收於近用

謝加食邑表

汪彥章



慶發九重恩加四海辱在廷紳之列猥蒙升賦之封  
下拜增輝中藏知感臣某恭惟皇帝陛下輯寧夷  
夏光復乾坤爰因渙號之頒例有真祖之錫論効何  
殊于泮統冒榮乃盛于繁纓臣敢不奉以周旋退而  
勉黽念家無甌石既叨食采之田雖年在桑榆會有  
捐軀之日

謝授新安郡侯表

汪彥章

臣藻言准告命伏蒙聖恩以宗祀赦文授臣新安郡

開國侯加食邑三百戶者禮洽中天慶覃外服猥奉  
十行之詔就加五等之封伏念臣積冒恩私寢踰分  
願昨投閒于異縣蒙起廢于偏城久客還家方憇南  
飛之鵲通侯授印忽成左顧之龜雖滲漉以維均何  
遭逢之獨異茲蓋伏遇皇帝陛下調和萬類藩飾  
羣工屬宣室之受釐罄寰區而蒙福臣適臨本郡仍  
昨鄉州宋人泝泮以得封望胡及此漢將銀黃而誇  
里榮乃過之寵既逮于子孫忠敢移于生死



謝南郊大禮加食邑表

張全真

臣某言準告以郊祀大禮赦恩加食邑三百戶尋具  
辭免奉詔書不允者歲禮對天曾豆籩之莫預疏恩  
加地尚簪履之弗遺未獲懇辭亟聞申命中謝伏念  
臣壯心凋落病骨支離理故國之丘園稍休暮景奉  
真祠之香火少報天恩會三歲之親祠蒐多儀之久  
廢禮樂明備神祇晏豫竣事園丘想臺旂之未下均  
釐寰宇仰睿澤之旁流欣際難逢之辰叨蒙多與之

邑此蓋伏遇 皇帝陛下受付天全躋世中興孝允  
格于幽明誠克參于高厚卜年卜世符三代有道之  
長饗帝饗親致四海以職來祭雖莫瞻于盛典亦竊  
冒于殊榮曠然三宥之仁普霑赤子假以一成之地  
增責陳人未填溝壑之間終効捐埃之報

謝加食邑表

張全真

臣某言準告食邑三百戶尋具辭免伏奉詔書不允  
已望闕謝恩祇受訖配天之澤先被縣區加地之榮



猥需衰質控辭靡獲登受惟慙中謝伏念臣學不造  
于淵源器僅容于主撮虛名浮實寵祿逾涯恭然顏  
暮之餘惕若滿盈之懼際中興之感旦慶絕古今廓  
丕冒之深仁榮均遠邇抱疾久尸于祠廩中恩復衍  
于爰田此蓋伏遇 皇帝陛下聰明以有臨神武而  
不殺兢兢業業外銷北顧之憂洩洩融融內盡東朝  
之樂茲蒙休于上帝遂加惠于微臣明賜以功曾乏  
絲毫之補多與之邑尤慙綸綍之華誓虔香火之緣

仰効岡陵之祝

代恩平郡王謝加食邑表

林少穎

价藩無似素懷寵遇之憂竣事罔功更負食浮之懼  
撫躬覩面拜命汗顏伏念臣賦性顛愚受材謏薄承  
歡宮邸夙叨猶子之恩分寄宗藩游擁維城之任一  
違觀闕再閱星霜躬樸學以徒勤積素餐而甚久屬  
當宗祀之禮舉莫陪顯相之髦烝身在別都神馳文  
陛豈謂均釐之及首膺錫福之敷疏以真祖盈其多



賦儀槐節鉞既履十連大國之強新藁木章復占千  
戶封君之籍疚懷如涉冒德若驚此蓋伏遇 皇帝  
陛下對越上靈祇適文考誕啟千齡之瑤運丕陶萬  
姓之懽心茂育中和有公聽並觀之美導迎戩穀無  
專卿獨美之私肆令孱微有此遭遇臣敢不服勤匪  
懈履正無私佩歌器之箴受祿深虞于滿溢遵直臣  
之訓盡規庶補于聖明

謝大禮加封食邑表

葉少蘊

五等分封雖名存而實廢三年進律蓋禮厚而恩隆  
深慙滿溢之餘更冒龐鴻之賜臣某中謝伏念臣起  
家寒陋遭世盛名竊大邑以庇身已為非分率諸侯  
而述職曾莫効勤方大亨之告成與敷天而同慶曷  
云異數更及罔功茲蓋伏遇 皇帝陛下德協神人  
孝安宗廟犧牲玉帛不忘裸獻之修輝翟胞閭均被  
餽餘之澤憫服勞之已久肆歛福以均敷臣敢不策  
蹇自期履冰思戒五百里諸公之地敢自比于周邦



二千石刺史之封猶有慙于漢秩未知報稱惟積兢  
危

謝郊赦加食邑表

韓元咎

禮行郊報初莫預于駿奔恩行戶租乃重沾于惠術  
叨榮逾厚揣分知慙伏念臣久去班聯尚尸祠祿材  
能素謏了無橫草之功齒髮寢彫第有守株之志莫  
致慶成之善頌遂膺進律之殊褒駢邑既增取禾興  
愧此蓋恭遇 皇帝陛下化參天地道通神明方萬

歲以成純躬致嚴禋之祀靡一夫之不被蓋均臣庶  
之歡申賁絲綸用彰典禮臣敢不誓圖報稱欽佩眷  
慈縱觀涓上之朝詎忘異日獨抱周南之病自信餘  
生

謝進封潁川郡公加食邑實封表

韓元咎

慈皇介壽需及敷天微臣何功例叨進律仰止王言  
之賁遽躋公社之榮伏念臣材不逮中愚無所用蚤  
蒙異擢詎忘補報之階自取謗傷尚竊安閒之祿方



舜治格無為之盛乃堯齡臻難老之期千歲有違萬  
邦胥慶錫爵遂超于五等疏封且冒于多田茲蓋恭  
遇 皇帝陛下老老以興民君君而賦政盛禮脩樂  
成儀煥于兩宮宥罪薄征懽聲溢于四表慨茲朽質  
曷副深仁臣敢不誓罄丹誠恩酬洪造老當益壯况  
懷伏櫪之心用之則為勵守株之志

謝加食邑實封表

韓元咎

臣某言伏準告命以明堂大禮慶成加臣食邑三百

戶食實封一百戶臣已望闕謝恩祇受訖者禮行泰  
室曾莫預于駿奔賞逮羣工乃例霑于惠術人微曷  
稱恩重莫酬伏念臣久玷從班尚叨祠祿散材無用  
自甘屏跡于丘園盛典有光豈復相儀于禮樂解澤  
既敷于溥率歡聲寔徧于邇遐未嘗超造于朝猶蒙  
多與之邑茲蓋恭遇 皇帝陛下日新聖德天覆萬  
方弗遺小臣欲賢愚之並施爰有大賚俾動植以知  
仁臣敢不誓竭疲庸仰思報塞三百戶而無青足增



寒陋之華八千歲以為春但祝聖神之壽

謝進封開國子加食邑表

樓大防

職在琳宮方謹祝釐之奉詔分穀壁更蒙與邑之多  
敢期洪私下及散地中謝伏念臣頃叨推擇濫預論  
思自登瑣闈之聯已經采食之賜明時未棄歸猶得  
于祠官比歲以前居幸霑于郊霈賤息既承于延賞  
先臣復被于追榮獨此加恩格而不下方斯念咎噤  
弗敢言顧三百戶之逋罔知所自念五十里之小相

去幾何迨茲祭澤之頒始冒綸言之寵毋升次郡爵  
進小邦再拜知歸一門增耀茲蓋伏遇 皇帝陛下

禮嚴宗祀惠及臣工仁不忍于遐遺福靡求于專嚮  
遂令遠外亦荷寵光臣敢不俯媿素餐著銘丹悃奉  
璋就列莫輸奔走之勞分土疏封安有藩宣之力

謝賜金紫表

宋子京

臣某言今月九日蒙恩改賜臣金紫者戒塗近對綬  
品更華祇佩寵靈內深榮煥伏念臣行能無算孤拙



自知振鷺珍群居漸造羽太官美食遂歎浮人久含  
藏疾之慈未獲酬恩之所屬司容局面控感懷俄被  
句傳曲膺蕃錫袍文染炭魚飾垂金服不值庸忍慙  
于安吉力微稽古貽望于儒先還縉無從光軀何幸  
斯蓋伏遇 皇帝陛下重隳常體業置邇睽特假身  
章俾隆官等庶奉禱如之賜益圖最爾之酬

聖宋名賢五百家播芳大全文粹卷二十一終

聖宋名賢五百家播芳大全文粹卷二十二  
謝表

謝轉工部尚書表

宋子京

臣某言奉去年六月二十三日制詔授臣工部尚書  
職任勲封食實封賜等並如舊仍放朝謝者成命臨  
下愧汗交顏伏念臣性本迂疏能有涯分論撰清選  
每得竄名雖邊要至雄亦叨假節奏課弗效誤眷無  
酬向以衆力成書特恩進秩避讓既卻冒受尚新俄



錄歲勤更借省坐名品尤峻遲暮難堪但四載叙遷  
已成定制一辭祈免恐近取名輒服褒言肅祇官次  
此蓋伏遇 皇帝陛下廣無遺覆照必逮微垂記孤  
臣普加陟典敢不益勉辱陋愈探典刑肌骨昭銘涓  
埃塵效

謝轉工部尚書表

余安道

臣某言今月十九日進奏院遞到勅誥各一道伏蒙  
聖恩授臣工部尚書依前充集賢院學士加柱國食

邑五百戶散官寔封賜如故者龍德飛天蘿圖興運  
曠蕩之澤遐遠不遺中謝伏念臣學謝兼明器慙遠  
到黃緣孤進遭過先朝亟登詞翰之科頻居文史之  
任遽繇諫路擢掌王言常欲北屈匈奴南羈勁越未  
能勝任每預遣行曾無橫草之功連被拔茅之寵屢  
委臨于戎律久陪貳于文昌此蓋伏遇 皇帝陛下  
嗣守丕基渙發大號乾坤之造海嶽至大而必包雷  
雨之恩動植無微而不及致茲散拙亦預甄陞素乏



羽儀之才遽當喉舌之任將何以根本萬事出納五  
言謹當祇畏簡書恪脩條教更勵委珠之節不忘戎  
履之忠庶答天慈以逃宮謗但臣守遠藩鎮不獲奔  
詣闕庭臣無任

謝轉戶部侍郎表

余安道

臣某言准都進奏院遞到勅誥各一道蒙恩授臣尚  
書戶部侍郎依前充集賢院學士知桂州候令任成  
資日仍令再任并准樞密院劄子奉聖旨依前降指

揮不許辭讓者邊亭擇帥願避于才能天綽宣恩靡  
容于遜讓

中謝伏念

臣素亡學術濫竊時名屬蠻酋

之擾邊即喪廬而受命雖懷急病之意而無弭難之  
才名分一面之權寔稟元戎之奠歸仁之捷臣力何  
施特磨之擒衆謀允濟以至羣凶遠遁九譯難通天  
假手于外夷鬼得誅于大憝皆皇威之震疊致醜類  
以殲夷幸免壞官已慙尸祿豈謂曲成天獎就錫詔  
函增秩而留用漢朝之故事撫封以舊仍越嶺之攸



居無易教條俾安氓俗重念臣早緣積毀嘗隸別都  
久遺鷓鷯之行頗樂田園之趣因茲過寵當思避賢  
惟冀罷歸庶全冲退而乃再頒綸旨俾踐恩章願反  
汗以尤難但撫躬而增惕此蓋伏遇 皇帝陛下天  
慈廣覆乾體旁罹士濟濟而必臻術九九而無棄致  
是草茅之質荐承雨露之恩謹當祇率政經增修戎  
畧荒忽之外俾銷旅拒之謀瘡痍之餘期識中和之  
治臣無任

謝轉禮部侍郎表

范文正

臣某言伏蒙聖慈特授臣尚書禮部侍郎依前充職  
者渙渥自天震惶無地循墻弗獲致寇是虞臣中謝  
伏念臣布素寒姿斗筲微器初縻下士之祿忽塵上  
聖之知歷升近班嘗預大政深自感激詎為因循仰  
祖宗之謀請行故事懷社稷之計動發危言雖欲必  
盡其心奚能久安于位遽彰無狀誠合有誅而聖意  
始終天慈曠蕩尚寘名于祕殿復蒙幸于善藩大拙



云藏入言用息莫間課最敢觀龍光伏蒙皇帝陛下  
雷霆霽威日月還照未忘圖舊不次推想擢登宗  
伯之曹上應文昌之緯職命如故爵數感隆徒職上  
以弗諧止服榮而為懼臣敢不以錫三省演恭一心  
進則盡憂國憂民之誠退則處樂天樂道之分上酬  
聖遇用竭愚衷臣云云

謝轉禮部侍郎表

韓魏王

臣某言今月十六日進奏院遞到勅牒一道官誥一

通蒙聖慈授臣尚書禮部侍郎加食邑五百戶仍放  
朝謝者禮成合宮澤被率土蓋興久墜之典則有非  
常之恩凡在庶工皆踰素望中謝恭惟皇帝陛下  
法古堯舜致時成康以大孝奉乎祖宗以至誠答乎  
天地曠絕之儀罔不講吉蠲之荐罔不躬而猶慮孝  
有所未申誠有所未達乃訪總章之舊式因路寢之  
嚴享太微之精兼盡報天地之意配文考之聖參修  
事祖之勤逮訖明禋並覃殊慶第錫官師之寵且推



福祚之餘而臣竊守邊遐荐罹歲饑駁奔率職既莫  
助于國容愛利及人曾未覓于上顧不謂均禧之始  
亦膺進秩之榮當有位之交歡理難獨讓揣無功而  
自訟內寔多慙敢不益勵樸忠勉驅駑猥疆垂效力  
雖終老以無辭旒宸知臣在殞生而孰報臣無任云  
云

謝轉工部侍郎表

余安道

臣某言昨蒙恩旨差三班差使殿侍韓某賫送到敕

誥一道授臣工部侍郎尋具狀聞奏乞行回納准七  
月五日中書省劄子奉聖旨所降恩命即令祇受更  
不許辭讓者中謝伏念臣生自寒鄉早逢聖主知名  
驟進嘗叨四戶之官負謗閑居猶紆三品之綬嚮還  
喪次甫畢喪期屬嶺表之驚騷預軍興之驅策徒竭  
前茅之慮茂間橫草之功所賴者廟堂講受于聖謨  
斧鉞肅將于王怒獻戎之捷蓋主將之勳有成從驟  
得候于國家之恩火厚內愧冒塵于職任再乞追還



于詔書誠出誤知不容退讓此蓋伏遇  
恢乾坤之廣度垂日月之至明賞善勸能義存寧儲  
記功忘過意切兼容致此非材屢增顯秩敢不恪遵  
寬詔欽率彛章卧鼓滅烽上繫于聖化恩堅圖易庶  
保于民和臣無任

謝轉起居舍人表

臣錫言今月七日遞中伏蒙聖恩賜臣官誥勅牒特  
授臣起居舍人依前直史館者祇膺寵命遷陟華資

不離近侍之班俄忝記言之職徬徨拜受榮懼交并  
伏念臣遭遇明時踐揚清貫才識固慙于兼茂勤勞  
常愧于未伸遺補美官繼塵閨籍封章鄙見嘗受聖  
知加以兼館殿之清華歷藩宣之委寄榮踰始望忝  
已居多豈謂緣畢嚴裡遽沾慶澤珥筆丹墀之下懸  
闕架深頒條滄海之濱分憂豈稱敢忘恭恪以贖貪

謝轉給事中表

宋公序



郵傳疾馳贊書申錫改東臺之秘秩仍左竹之善藩  
思數竝隆心顏固措臣某中謝竊念臣本惟弱植素  
情遠猷一玷文科洊膺朝選攝官承乏率非才舉之  
宜含垢匿瑕陰荷天私之惠獲偏階于華近固無補  
于涓毫至乃超備諫員參聞宰政當求治責成之會  
有先機斷論之煩力勉徒勤道悠自蹟辱收還于重  
任始厭伏于煩言繼荷宸慈曲存邦體旋易麾于巨  
鎮復帖職于清廂追貸前尤叢臻謬寵謝生無所履

薄增憂不謂更枉公食平稽歲伐例舉當遷之典兼  
紆即賞之褒循踐殊資俾光外寄此蓋伏遇皇帝  
陛下深憐舊物均飾庶工因虞篇陟考之文用漢守  
增留之制併推優渥昭示保全內省微驅曷勝鴻施  
謹當勤司寡悔益服攸箴承化樹風或萬分而有取  
竭忠酬貺期十死以知歸感極于中辭殫靡喻

謝轉給事中表

韓魏王

臣某言今月二十七日進奏院遞到敕牒各一道官



誥一通伏蒙聖慈授臣給事中仍放朝謝者官以歲  
稽雖存著令賞非功懋曷弭羣言引讓則取疑于未  
成受命則不勝其多媿惕焉屢省莫知所安中謝伏  
念臣幸偶聖朝早塵科等常耻養高而圖貴近每願  
竭節以報國家周旋俗吏之為激切諫囊之論不虞  
擯斥蓋持聰仁以至去禁掖而即邊戎捨儒冠而服  
武弁唯殫千慮冀緩憂勞敢有一言輒辭危難逮羗  
人之送款承名節以來朝擢貳机繁無容懇避愛上

之心愈篤忤時之咎寔彰尚賴保全許均優逸自膺  
淮海之任寔居吳越之衝城閉隳殘姦訛固結既思  
繩葺必務躬親常人所非則曰未詳大體微臣自視  
可以少贖素餐僅涉再晷率無治狀豈謂伏蒙皇  
帝陛下擴天地之量錄日月之勞申舉舊章進申寵  
秩拜于瑣闥更視深嚴刺以貂廷重貽嗤笑敢不動  
思合道守不易方惟忠義之所存在始終而一致期  
於效死庶可酬恩臣無任云云



謝轉給事中表

宋子京

臣某言伏奉制命授臣給事中依前充職進封常山  
郡開國侯加食邑五百戶散官勳如故者休戚忝祀  
恩賫庶工錄臺絕之少勤枉帝緡之平施進升官著  
申行候彊榮雖例加愧實中積伏念臣性分疎拙學  
習空虛逢時盛明與衆倫比向塵詞署自抵禁條嘗  
從解籍之科亟沐賜環之召老馬無棄姑結戀軒之  
勞楹木未殫已辯代檀之誤專陪勸講彌適清閒居

嘗刻肌坐或忘食以為鍛翼方奮勢不高飛折足始  
痊誓無疾走冀保全于晚節慚云補于厚恩會國家  
推攷上儀懋竣宗祀福不專饗澤乃普頒眷鯁薄之  
孤生忝光華之旅賁瑣闈增秩望郡陪封追論講求  
之功適當容典之局禮有因草皆中詔自親其文議  
或糾分故上心制定其當合任隳官之咎願偕躡等  
之遷此蓋 皇帝陛下德暢多方仁包有截和氣中  
律庶彙並甄太陽垂光萬影同見遂令羈官豫齒褒



章步區舍之重深食戶租之憂富國功被賜誠無獨  
讓之階累日儲勞願補他年之最消分可効靡殞為  
期  
謝轉給事中表  
臣某言昨于五月內進奏院遞到勅誥蒙恩授臣給  
事中依前知桂州充廣南西路都鈐轄經略安撫使  
尋具狀辭讓准六月四日中書劄子勘會余某已降  
勅命除授工部侍郎奉聖旨余某所除恩命即令祇

受更不得陳讓者中謝伏念臣才非應務識不逮人  
徒邁光華得諧祿仕向以邊臣失脩蠻孽侵疆眷言  
苦塊之居適在干戈之地遽蒙朝命俾預兵謀道路  
之勤敢忘夙夜軍旅之事素昧韜鈴雖居戎馬之間  
蔑著消塵之效幸賴聖宸成奠樞輔專征因節制之  
有歸勵偏裨而同力兵鋒一集謀主先擒羣凶散亡  
庶民休息攻之必取蓋有元勳職在具僚過蒙厚賞  
內懷非據嘗叙至誠乞回濫恩庶全素志豈謂皇明



下照寵渥荐加委之輯寧靡容辭避此蓋皇帝陛下如天廣覆與物無私譬春夏之和邇遐咸被比雷雨之施甘苦皆霑念孤臣之無庸與元戎而並命仍加敦諭彌用憂兢敢不祇率政條舉寬民瘵庶于境域同此樂康所有除工部侍郎勅誥已別狀聞奏伏望聖慈許令慈讓但臣無任

謝轉光祿少卿表

余安道

臣某言今月八日進奏院遞到勅誥蒙恩授臣光祿

少卿依舊分司南京韶州居住者居深坎窞恩出天慈俯念戴盆之憂莫遂循墻之讓中謝伏念臣稟受愚暗生長遐荒爰自弱齡幸親儒術未脫飯牛之賤敢思糜爵之榮蓋遇國家海宇澄清仕途寬裕高則賢科射策採卿相之材次則卿品薦能分甲乙之選小吏計年而進考商人校粟以論資戎旃奮起於卒徒勲門澤及于僮隸廣為甄錄庸贊治平所謂得人而昌何云數路而已由是例趨貢籍偶中文程逮于



壯年再膺詔目遂陪邦彥久服朝紳亦嘗預刊前史  
之闕文參修當世之大典載筆而書言動扼薊而正  
禮儀補衮職而蹈無諱之肌冒兵鋒而使不測之虜  
叙其微效擢在近班言思報國之忠身罹負俗之謗  
箚中之辱昔賢亦有非辜日邊之遙丹誠無以正訴  
退分冗秩還侍親庭鴈鴛久廢於稻梁禽魚幸返行  
林藪採蘭潔膳聊同孺子之歡種樹灌園誠為拙者  
之效永言毀廢當絕照臨豈意恩波下霑窮轍此蓋

伏遇 皇帝陛下純仁廣覆至治旁羅一物未泰而  
比之納隍羣賢雖積而勤於頓網順民心而敷治因  
天瑞以建元溥念臣工衆罹罪罟重為緣坐輕或詆  
誣凡曰瑕疵率加湔洗樂羊居外靡開盈篋之書陳  
平有謀不問受金之過如臣遠迹素乏異才進本孤  
根退因積毀所嗟聖世遂作錮人徒成畫餅之名莫  
展鉞刀之用忽蒙零露之均澤忍使當春而獨枯苟  
非造化之恩寧及沉冥之地唯知死報無路捐軀但



臣無任

謝轉衛尉卿表

余安道

臣某言十一月二十八日進奏院遞到勅誥各一道蒙恩授臣衛尉卿依前分司南京韶州居住散官勲封賜如故者舉稀濶之典方治于隆平廣滲瀝之仁遽沾于枯瘁中謝竊以古之哲后皆建合宮體房心布政之名行祖宗侑食之禮周同廟制蓋嚴配之所先漢比郊儀故精禋之為重汶上之圖太簡國南之

議未工允俟聖朝裁定彛矩伏惟

皇帝陛下順稽

古訓祇答靈心即路寢之正居講總章之大摯百神胥悅歆至治之馨香萬國歡呼荷湛恩之汪濊如臣者孤危得罪擯廢累年豈期蓬華之遐均蒙雷雨之施睚眦之辭未塞何意叨榮支離之粟愈多敢忘圖報惟懷淵谷之懼更增斗極之瞻但臣無任

謝轉正議大夫表

司馬溫公

臣光言伏奉誥命授臣正議大夫上表辭免奉批荅



不允仍斷來章者離明繼照允澤旁流祇受已還震  
惶無措中謝臣聞以資詔爵則民興忠誼眊為賞  
則下絕覬覦故德盛者其位隆力勤者其報厚勸沮  
斯在授受靡虛伏念臣學不適時才非經世謬塵近  
列最後諸臣辱體貌之兼隆竭股肱而無補屬舉懋  
官之典咸疇衛上之方績用篋間褒章誤及雖微誠  
之備列終成命之莫回居寵無名在顏有覲此蓋伏  
遇未皇帝陛下馭臣惟禮厚下以仁優其進等之恩  
責以致身之節乾坤至大均覆載以不遺日月無私  
委照臨而盡及永圖報塞唯誓糜捐

謝轉禮部郎中表

蔡君謨

臣襄言今月十五日遞到勅誥伏蒙聖恩授臣禮部  
郎中者函封芝檢特霈於殊私位列春官驟加於寵  
命揣材甚薄荷澤誠優忝冒逾涯兢惶罔措臣襄中  
謝伏念臣机謀素淺器術非深丁辰過時歷王途而  
寢久承流宣教著民政以無間方懷惟谷之憂積有



瘵官之慮何需恩而特厚復增秩以敷榮茲蓋伏遇  
皇帝陛下禹律均和堯仁錫庇誕推渙渥施及蒙  
愚敢不寅奉政條恪圖治績竭盡涓埃之力仰酬覆  
育之私臣無任云云

謝轉刑部郎中表

臣某言今月六日進奏院通到勅牒一道官誥一通  
伏蒙聖慈特授臣刑部郎中散官勳賜如故仍放朝  
謝者聖澤大賚郎曹序遷間命若驚省躬知幸伏念

臣頃因薄技逮事先朝誤記姓名過有獎擢兩知制  
誥一入翰林報國之功雖無績効事君之道粗守貞  
方虛名既高忌才者衆直道難進黜官亦多始貶商  
於實因執法後出滁上莫知罪名大行皇帝漸察非  
辜移領大郡方且精求民瘼少報皇恩期牽復于詞  
臣再發揮於王命不圖上玄降禍先帝登遐奉諱之  
辰號天罔極不得趨朝夕之臨無以為臣子之心淚  
如鯁縻悲入骨髓伏遇 皇帝陛下祇奉顧命欽承



慶基莪蓼之情既以遵于易月蓼蕭之澤遂洽於普  
天爰自起曹陞于憲部望金鑿之殿城隔烟霄入白  
雲之司亦非冗散得不恪居官次虔奉詔條諭淮海  
之遺民識朝廷之新命無汲黯積薪之歎也有于年  
戀闕之心感慨舊恩追維往事西陵目斷泣血難收  
東海日昇傾心更切伏限權司藩服不獲拜賜玉階  
臣無任感天荷聖激切屏營之至

謝轉官充秦鳳路經畧安撫招討使表

韓魏王

臣某言十月二十日馬遞到誥勅各一道伏蒙聖慈  
特授臣尚書禮部郎中依前充樞密直學士知秦州  
兼秦隴州鳳翔府階成州路馬步軍都部署兼經略  
安撫沿邊招討等使者秩進儀曹任專聞寄寵靈不  
次震慄無從中謝伏念臣稟識至卑賦才甚短早緣  
薄技濫竊雋科亟踐顯塗力陳拙效徒能辦職本不  
知兵屬羗落之背恩命王師而興伐俾參戎略猥貳



師權慙無制勝之謀終抵敗軍之罪貶官以勸尚獲  
保邊乘障盡勤遽叨復職方思策勵少謝矜全豈謂  
廟算更張塞垣分制重遷官次增峻使名荷委注之  
至優懼虛辱之不振此蓋伏遇 皇帝陛下本仁御  
俗貴恕使臣謂駕蹇之材或期遠到庶朴忠之節可  
責于後圖遂此甄升許其輸盡謹當博訪碩畫講求  
善經明賞罰以御軍濟恩威而撫俗冀樹涓埃之績  
仰酬旒宸之私

代滿憲謝換官表

蘇叔党

伏奉詔命換授臣武功大夫者官稱非古必欲正名  
詔命自天遂頒新渥寵以訓詞之溫厚允為臣子之  
光華撫已若驚受恩知愧恭惟先帝追三代之典建  
百官之名粲然虞夏之文章去漢唐之陋况大明之  
繼照述先志之未遑亟詔有司一刊右列致茲異數  
亦及微臣為官擇人愧何以從士夫之後循名責實  
又不能奮尺寸之功徒竊寵榮益慙尸素此蓋伏遇



皇帝陛下堯仁天縱湯德日新躋大有為之心行  
若稽古之政經文緯武俾無曠職之臣修廢舉材下  
逮干城之賤臣敢不服勤夙夜祇畏簡書以狗義捐  
軀為事君以養兵訓戎為報圖誓益殫于犬馬庶少  
畲于生成

謝改待制表

臣某言臣伏奉制命特授臣依舊充天章閣待制者  
命發于中擢非其任懼先褒集感與愧參伏念臣早

以憊冥陶于文教在阿蒙育易仕代耕由薦牘以應  
條齒經生而挾冊提給尚書之禮升直道家之山間  
屬成書亦蒙進秩不挹漿而持斗舉畏叨名未司牧  
而逢祥居漸何力仰含天造未委官刑猥濡墨于螭  
坳兼倅籌于盥笑清光在望更無咫尺之違至治丁  
辰時紀殊尤之事內修幸會疇敢越思迺蒙 皇帝  
陛下錄以芻微記其狀貌慎行獎數超寘邇僚弗緣  
左右之容特出顯印之眷披霄延澍破蔀回光惟寶



閣之神深璧珍圖之襍積創為美秩庸竚悖儒寧茲  
僕邀之才可重清閒之地卑微驟列辭控無從昔之  
待詔承明陪游金馬無間定著尚訖榮階詎比亨嘉  
之辰專為顧問之選第驚茲授偶直無庸謹當佩訓  
自強飭躬思勉馳無泛駕雖千里之難期益靡望天  
翼一心而論報倘施涓壺敢吝靡捐

謝改左司郎中表

胡武平

考課四期增秩二等寵光洊集榮懼交懷中謝竊念

迹本單平性惟介拙起于凡品之末邁此聖圖之亨  
猥用微才遂叨非據內廷視草蓋出于誤知左掖握  
蘭亦緣于虛授仍尸史局兼侍經惟久玷高華日重  
大官之費三蒙宣召晚濟浴殿之深榮遇罕階忠誠  
自信上不欺于仁聖內無愧于靈神然而才匪惠多  
學惟寡要徒軋抽于制命莫宣暢于神規以至審克  
刑章講修牧政皆上資于聖斷徒謹守于詔文無所  
建明有慙曠素加以方愚向國孤遠立朝本無左右



之容不為朋黨之計貴游可憚近習罕親常憂三至  
之言有感四聰之聽方寔幽黜敢冀罷邇豈謂記錄  
年勤推行恩典進左右之首秩沛內史之榮章竊愧  
負乘曾益殞越此蓋伏遇 皇帝陛下曲加金度深  
諒樸疎施及孤臣擢茲顯級敢不勉思深訓飭勵薄  
務在守官不敢遺力期仰酬于覆露當永誓于私捐

謝改觀察使表

臣某言今月九日樞密院遞到誥敕各一道伏蒙聖

慈授臣前件官者當兵旅之任姑欲正名有廉察之  
權誠非稱職被恩不次以榮為憂

中謝

竊以帥十國

以為連蓋資屏翰長萬夫而觀政宜拔英豪倘容濫  
居曷濟國事伏念臣以儒承業以文干用偶預僑選  
擢亞舉首恥緣科級坐取貴塗凡隸官曹絕去苟且  
以至參京邑之劇贊泉刀之繁諫署竭忠詞掖書命  
處身必以其道出言不敢及私心切愛君遂忘于已  
禍性專任直弗虞于衆嫉屢犯禁忌久當放流時人



甚危聖意彌簡而自凶渠背惠西府置官不圖妄庸  
亦被推擇驟進直于樞府俾參畫于戎事夙夜以報  
庶揚天聲偏佐之專卒墮虜計尚徒邊而薄罪徒補  
過以盡勤惟秦之雄為塞甚重控制不郡羈屬雜羌  
旁阨寇衝俯臨關要臣但能招懷種落訓戢營屯起  
城壘以安人平獄市而清訟斥侯斯謹備豫必周為  
術固疎責實安在朝廷已遷復官次增重使名臣之  
非才大越涯分不謂薦膺異數益峻寵階即為治之

本邦委觀風之茂寄私門胥慰物論稱優此蓋伏遇  
皇帝陛下若古宣猷宜人開化究弛張之大體恢  
綏御之遠略致茲頑朽繼荷采甄重念臣素匪將家  
早塵辭等平進之漸往式具存誠以疆鄙未安忠憤  
攸激力冒艱險志平僭狂顧軀命之可捐豈資品之  
為較奪鳳池而不賀前哲堪嗤刺狎庭之無功羣言  
是恤惟祿廩之加厚非寒素之所貪敢不精練武經  
日求勝算指縱加審扞防必嚴與賊俱全是為深愧



為會等伍烏敢自羞或稍著于微勞願特還行舊物  
誓堅死節仰答宸私臣無任云云  
高陳稟鳳  
劉  
早  
無  
聖  
聖宋名賢五百家播芳大全文粹卷二十二終



